

青浦縣志卷二十三

列女一

賢淑傳

陸續母

韋氏

楊氏

董氏

張氏

顧英

錢氏

鄒貞

胡遐齡

張藻

漢陸續母吳人續為太守尹興門下掾坐事詔獄母詣洛陽候消息無緣與續相聞乃作饋肉進之續對食悲泣不勝使者怪之續曰母來不得相見故悲耳使者疑門卒為通續曰因食餉羹識母所自調和故知母來非人告也問何以知母所作續曰母切肉未嘗不方斷葱以寸為度使者以聞詔因赦續還鄉里

青浦縣志

卷二十三

列女

賢淑

一

唐韋氏溧陽令陸侃妻宣公贄之母也侃卒官韋氏教子成大儒德宗朝稱賢相贄官中書舍人帝敕中使迎母至京師道置驛時人榮之及卒皇后賻遺葬洛陽
明楊氏周雲鵠妻思兼母也少通文義思兼按察湖廣時雲鵠欲市楚木為榼氏不從曰子為憲臣如以遺蛻累其清白不濟此江也思兼在官氏每引古人名節事勗之人稱賢母董氏章憲文妻憲文未遇時貧甚出為童子師氏在家日夕治紵易米具舅姑食退以食諸兒女鐫底焦飯乃自食之舅嗜酒乏錢日向晡呼新婦今夕且罷酒必應曰酒已温矣密遣媪貫之鄰家而次第以手紉償其直絕不令舅知也後憲文貴屢歎其賢

張氏華亭人邵陽知縣張軌端女年十九歸兵科給事中陳

子龍性淑慎通書史事大母高繼姑唐皆盡婦道乙西南都不守子龍殉節時妾生子疑方四歲氏攜之遁山谷間疑長始還鄉里娶婦丁氏生子錫璜而疑卒氏乃與丁同撫之錫璜長娶婦未幾復天死哭曰昔我不從夫子死爲有疑也疑死以有錫璜也今錫璜死我安歸乎丁泣請曰婦有遺腹幸而生男是天不亡陳氏也張氏乃不言死半載曾孫世貴生三世共撫之張氏卒年八十有四將卒遺命曰未亡人宜衰經以從夫子然先朝命婦也命製冠帔如前典曰他日且斂衷素而加命服焉可也王灃爲作三世苦節傳

孫姪女

按錫璜婦亦張於氏爲

國朝顧英字若憲別號蘭谷長洲人少慧父安愛之安疾英割臂肉糜湯以進母疾再割之其篤孝如此顧家素封豪侈

青浦縣志

卷二十三

列女

賢淑

二

英年十九嫁張之瑱屏繁飾椎髻練裙凡酒醬醢醢必躬飭而後獻姑喜曰此真吾家婦也未幾舅德純罷常山令逋帑數千金氏傾嫁時資償之之瑱知印江縣以事牽連禍不測英遣子鳳孫上章請代且營贖緩乃得釋家既大落或亭午未炊英脫簪典衣爲翁姑進膳雪後凝沍與新婦女孫三世擁絮坐共抱一火甕絕不聞嗟歎聲也子鳳孫舉博學鴻詞不第人或惜之英曰通塞有命且受恩如負債重或不易償也英喜讀書尤熟於史事著有挹翠閣詩詞年六十二終貴陽官舍女藻自有傳

錢氏刑部侍郎王昶生母年十八歸王士毅爲側室二十四而生昶事主嫡婉婉柔順當昶從軍滇蜀氏年六十四矣獨子顧時時寓書誠以盡心軍事毋以我爲念大帥據之入奏

昶得進官一階後昶鞫事山東畢在朱官屯 行在復 命

高宗垂問汝母年若干矣昶奏今年八十 問尚康健

否汝宜迎養氏之寵荷 聖恩如此鄒氏名貞昶之妻也昶

未遇時家貧甚屋角榭樹二秋風落葉貞嘗帚取以供爨年

三十六卒以其善事姑也錢氏哭之過時而悲

胡遐齡字靜嫻寶瓊之母母俞氏遐齡生長名門沐浴姆教

舉動一秉禮法所為詩曰安貞齋集幽間澹遠如其為人嫁

戴象晉數十年夫婦靜好集中與夫壻和唱之什多也女瑾

理自有傳 按松江詩鈔徑稱靜嫻
誤字為名今據本集

張藻字于湘德純女孫也歸太倉畢鏞早寡遺子沅親自教

之六歲授以毛詩離騷長為名臣乾隆三十八年沅巡撫陝

西張氏貽詩作誠語皆切於民生國是後沅丁憂回籍

青浦縣志

卷二十三

列女 賢淑

三

高宗南巡迎 鑾詢及家事沅奏幼承母氏教養始得成立

上嘉歎賜經訓克家額以褒之

才慧傳

管道昇

陸曹蠲

張氏

陸鳳池

邵琨

陳婉

張佛繡

陳冰娥

廖雲錦 吳秋音

郁大山 潘倪 端小

許玉晨

王慧仁

鍾若玉

洪芬

俞瑛

吳蕙

陸觀蓮 安 默

顧姒 林以甯 曹鑑冰

彭氏

朱瑩

元管道昇字仲姬小蒸人嫁趙孟頫封吳興郡夫人道昇神

姿秀朗工書畫元仁宗嘗命之書周興嗣千字文敕玉工裝以玉軸送秘書監收藏又進畫竹賜內府上尊酒入覲中宮命寫墨梅題詩稱旨詩云雪後瓊枝茁霜間玉蕊寒前村畱不得移入月中看

陸曹蠲字娟陸潤玉女居廣富林少善吟咏客乞潤玉詩送行娟代作云津亭楊柳碧穆穆人立東風酒半酣萬點落花舟一葉載將春色過江南長嫁馬龍馬舅循婦職舅沒遣一女娟與同寢處十年女既嫁始復夫室將卒取所作詩詞焚之曰非婦人事也

明張氏楊豫孫妻豫孫爲中書舍人徐階器重之世廟嘗夜夢饘饘二字曉起命內侍檢字書無之徧問閣臣莫能對階退語豫孫豫孫歸與氏語之氏曰道藏法海元珠有此字乃

青浦縣志

卷二十三

列女

才慧

四

鬼來求食也覆檢果得之明晨階據以入對世廟大喜豫孫撫楚卒官致贈者一切以未亡人辭比歸葬又卻直指以下助葬金叔井孫銜之盜殺嫂張氏

國朝陸鳳池字元宵自號秀林山人惠潮兵備道陸振芬女孫少授書史及長喜讀離騷歸曹一士嘗私語一士曰余愛楚辭恐此生壽不長也詩詞皆有風致尤工刺繡年三十二病革語一士曰箱中存博古圖衫一鍼一綫我心血在焉善藏之他日以示二女如見我也既卒一士料檢所作都爲一卷名梯仙閣餘課

邵琨邵成正女嫁汪烈早卒烈傷悼之琨能詩刺繡有鍼神之譽嘗自作西湖春泛圖題二絕句其上論者以爲格韻不亞於元人

陳婉字順儀縣學生陳樹德長女讀書穎慧背誦列女傳如流大母呂氏工詩婉從受詩法年十七病瘵卒樹德悉取遺藁以殉惟雨後一聯歸巢鳥刷沾泥羽垂釣船堆帶雨蓑傳於人口呂整屋知縣樾之女也

張佛繡行人梁幼女少從父學琴嘗奏洞天舞鶴之曲忽有鶴自空中來飛鳴應節人咸異之梁晚年佞佛佛繡隨誦金剛經萬遍爲親祈福年二十歸金山姚惟邁姚病肺時時臥牀夫婦二人相敬重復相憐也詩皆蕉萃婉篤優柔薄媚其境過清不可久畱年三十三佛繡病卒惟邁輯其職居詩鈔二卷梓行之未幾惟邁亦卒

陳冰娥元和人父某爲湘陰驛丞張宏燧守長沙有恩於其父冰娥由是歸張爲笄室性婉婉有節操嘗手畫紅蓮一幀

青浦縣志

卷二十三

列女

才慧

五

題詩云出水何亭亭臨風自冉冉看他娉婷姿污泥不能染冰娥蓋以之自寫也

廖雲錦字織雲廖景文女景文自合肥罷官歸築小檀園吟咏自適旣沒雲錦世其詩學有名雲錦嫁泗涇馬某早寡旣寡歸小檀園掩關鍵戶一意於詩偶繪禽魚花竹下筆卽工所爲詩曰仙霞閣集王昶序之曰織雲深自韜晦守內言不出之訓雅不欲以材藝名而其詩瀏然以清粹然而潔譬如金玉埋沒塵土其光終不可掩云雲錦嘗姑病割股至行不欲以詩掩故並著之吳秋音景文之妾也能畫

郁大山字靜如倪永清之母倪小字茁姑永清之妹潘端字慎齋倪永清之室三人詞王昶輯青浦詩傳收之而歎永清以詩人姓氏若存若亡將不傳爲有才而湮沒如永清者世

蓋多有昶嘗得唐治父鎔殘橐一帙於破篋欲稽考其生平不得况乎女子而欲嘗畱名字於人間不亦難哉端婁人茁姑以行居小因名曰小嫁亭林陸某早卒

許玉晨字雲清王昶侍妾性幽靚最勤鈔書劉義慶世說新語酈道元水經注陸游入蜀記皆經手寫一過其沒也昶志其墓

王慧仁字粹卿王昶之女也少通大義立志皎然昶官副都御史慧仁隨侍京師因請曰昔唐貞觀之治不下文景而魏鄭公直言極諫無鯁避今大人官言官何時上疏論天下大事昶聞悚然異之後嫁舉人嚴榮年三十九卒嚴吳縣人鍾若玉字元圃適崑山縣學生周官若玉端麗柔嘉詩詞書畫埽除脂粉晚年貧困依壻居茸城爲女士師年六十六卒

青浦縣志

卷二十三

列女

才慧

六

洪芬洪一桂長女嫁陳韶韶旣罷官梅莊偕隱相得也芬詩近體時有風致橐藏於家今失

俞瑛俞玉海女年十九未字人而卒瑛生七月卽能言讀書有慧悟嘗自謂前生是苦行僧云事親懽喜庭中月季花一本瑛植之而活花放輒引親觀之越數年花萎謝而瑛死瑛詩附玉海集後其咏田家四首桑麻雞犬能寫幽風勤儉之旨人以風格爲遠勝其父詩也

吳蕙字蘊芬錢塘人監生吳震麟女適陸我嵩蕙工小詞偕妾無豔奉姑教女相處雍穆若姊姊嘗自署其居曰四眉楮閣謂其妾曰是雖陋室吾與若織紉以當耕則衣食麤足以其暇日瀏覽書史斯亦可以優游引年矣其志趣如此

附錄

列女由本邑嫁及以嫁來本邑皆傳之二者皆非而其人卒不可遺謹援游寓之例區別附焉

陸觀蓮別號雨鬢道人歿丹生妻也丹生游寓有傳女名默字齋季小字墨姑母子俱有清才吳江顧有孝序觀蓮詩曰歿氏閨隱集默之作附焉默奇慧九歲能詩摹畫李伯時白描大士精絕年十六未字觀蓮卒三日默亦卒董黃誅之

顧姒字啟姬仁和鄂曾妻縣丞之繡女也之繡官青浦姒偕壻以來嘗與錢塘林以甯華亭曹鑑冰結澱濱詩會退與夫壻倡和能忘其貧姒先在京師有花憐昨夜雨茶憶故山泉句極爲宋犖所賞及卒王原序其集林以甯字亞清御史錢肇修妻著有墨莊詩鈔尋歸故里鑑冰曹重之女嫁七寶張曰瑚兼工畫王原稱其有朱淑真管夫人之風著清閨小草亦原爲之序

青浦縣志

卷二十三

列女

才慧

七

彭氏鄧州人布政使彭而述女適李鴻鴻見名宦高永安傳鴻亦能詩而才不及其婦氏詠白蓮云月亦驕花色風偏送葉香送外云山川日以遠雨雪天將寒王士禎稱之著有蝶龕集

朱瑩字竹田嘉興人朱爲弼姪女適己亥舉人某咸豐十一年瑩避難來蓮湖主西湛倪氏恤緯念亂吟咏琅然有世美堂彙行世

貞孝傳

任氏

唐氏

陸氏

俞氏

張百齡

潘氏

張氏女

曹氏

方氏

張汝傳

沈氏

王氏

陳氏

張氏許

陸氏

李氏黃氏

熊氏

馮七姑錢氏

兩鄒氏

蔣氏

姜氏

戴瑄

王氏許氏

張氏

楊氏

周氏

張氏女

吳氏

陸氏

沈氏女

鍾秀姑

楊氏

姚氏

王氏方氏

郁氏

費氏周氏

某氏

胡師韞

陳氏

程義姑

楊氏

伍氏

黃文瑛

陸氏

汪氏

次列傳後凡四十五人

青浦縣志

卷二十三

列女

貞孝

八

元任氏都水監仁發女孫也至正中有楊姓者官於華亭聘焉其後楊北歸音耗遂絕父母將別嫁之女翦髮泣曰奈何以一身而有二夫不許卒以女冠終

明唐氏小蒸沈繼美妻善鼓琴能詩既嫁悉屏去之善事舅姑姑病奉侍惟謹姑臨卒泣曰我感汝孝不能報但願他日孫婦事汝如汝之事我也氏卒年六十有九

陸氏陸樹德女未婚夫亡矢志不嫁結庵曰貞靜手植松扶疏葱鬱過者式之

俞氏金澤人嫁吳江許存仁為繼妻未婚存仁沒氏年十九截髮守志撫前妻子有恩卒年六十有二崇禎十二年旌黃氏縣學生黃軒女幼為養媳於陳未婚夫陳講亡誓死不嫁孀居三十七年而沒

國朝張氏百齡孝婦縣學生沈儒妻也儒見孝友傳

潘氏修竹鄉沈義卿聘妻義卿死奔喪不返蔬食終身臨沒呼嗣子邁曰吾三十六年之節不敢望旌典但大書沈婦潘氏足矣知縣魏球表其廬曰奇節全倫

張氏女年十七父病篤呼女曰汝下有四妹一弟汝而男也吾目瞑今已矣女聞悲咽父卒立志不字侍其母完弟妹婚嫁人稱孝女

曹氏曹平子女許字徐鏡白將婚徐赴至女截髮自誓未幾以毀卒壻家哀其志迎柩合葬之余山

方氏崧塘方瑞平女婁學生員沈士約聘妻也士約死氏欲奔其喪父母諭止之乃築一室幽居奉佛性好施嘗於渡口造石梁建崧浦涼亭以惠行旅歲時數遣婢饋問翁姑二婢

青浦縣志

卷二十三

列女

貞孝

九

感貞女之化相守不嫁卒年七十有二年按氏康熙二十三年旌並見坊表

張汝傳淵懿姪女貢生徐基妻也嘗割股療母病以孝聞著有繡餘草

沈氏沈巷顧質華聘妻質華沒氏號泣請於父母縞素往遂畱守夫柩寢於柩旁十年卒年二十有九按質華府志作積華入義烈云號泣

死 柩旁

王氏縣學生王友元女許字諸翟侯世仍世仍力學早卒氏聞嗚咽不敢哭遂蓬垢處一室不問戶外事父母憐其年少諭令改適氏立志益堅年六十餘卒於家合葬世仍之墓

陳氏幼許字許紹勳未婚夫死氏年十六獨居一小樓足不輕下叔姒生子氏撫之為後及娶婦始居樓下卒年八十有

一 按氏於雍正五年旌

張氏幼字李天章年十八聞天章赴不食母命之食乃食後欲爲議婚吞二錢求死家人廉知之許之守志乃歸李立後焉同時顧其光聘妻許氏夫亡歸於顧守節王原爲作二貞女傳許氏給事中許譽卿女孫卒年六十有四按二氏並雍正八年旌陸氏陸丕承女許字張德咸德咸之亡氏年十七泣請於父母而往終張喪始茹葷性寬好施嘗言待有餘而濟人則濟人終無日也有婢以瓶酒瀉地婢失色氏遽曰誤也何懼爲氏後見嗣子仁宗成諸生而卒守節凡四十一年按氏於道光八年追

旌先是校官某給額曰太璞完貞

李氏趙冠垂妻將嫁適冠垂亡氏聞請於父母欲往守不許請奠許之遂畱趙不肯歸沒年八十有一黃氏余山滕清遠聘妻年二十二奔夫喪守節知縣萬方極表其廬按李氏乾隆十二年

旌 青浦縣志

卷二十三

列女

貞孝

十

熊氏徐純良聘妻夫沒奔喪病亟使謂徐族曰生不成婚死當同穴卒迎其柩合葬之

馮七姑縣學生馮玠女年十四許字陳稚圭稚圭客死七姑矢志不嫁凡六十三年卒知縣萬方極表之曰閨閣完人錢氏陸家圩陸浩聘妻浩亡奔其喪遂畱不返卒年六十有七學使者張廷璐表之曰霜嚴玉潔

鄒氏薛朝宗聘妻未婚守貞事姑潘婉順潘忘其喪子之戚妹適夫叔卜枚亦早寡二人孤鐙合績撫嗣子成立里稱一門雙節

蔣氏洪鈞妾母病刲左臂肉療之其母老無子依氏以居既

嫁孝不衰人以爲難

按氏並見完節表

姜氏方獻廷聘妻幼嫻書算治家政井然夫沒歸方爲寡婦時小叔然達方五歲待其生子而後有嗣氏卒守之叔長生子槐遂立之爲後卒年七十

按乾隆四十年旌並見坊表

戴瑄字裕如戴某第四女母胡氏遐齡見賢淑傳瑄沈靜寡言舉止有常年二十嫁慎祖庚生一男二女而卒年三十有一乾隆癸卯秋大疫戴舉家染病瑄不自言而日夜憂悸姑與夫不釋明年三月姑病劇瑄再傷於肝尋卒先是父病理割股其孝蓋出天性云

王氏王漢章女字金成天許氏李爾常聘妻許錫蕃第四女也皆聞赴奔喪守貞年皆十八事姑謹王小蒸人姑沒依其父貧躬紡織佐之自常食糠覈不飽卒年六十有一許之來歸徐恕爲徵詩文傳其事

按許氏已旌年月未詳

青浦縣志

卷二十三

列女

貞孝

十一

張氏小蒸金景山聘妻幼喪父母養於金未婚景山死氏莊而少容景山母欲爲景山成婚景山故遲之及將死指告母曰婦非吾耦必嫁之氏聞大慟或以不見答爲辭曰我知夫死婦守而已必強我請卽死初景山大母郁氏母張氏

於氏爲

從其姑

皆早寡守節氏繼之所遇愈窮人服其志之真正焉

按沈

大成學福齋集金貞婦傳婦生康熙丙子其卒乾隆辛巳守節凡四十二年大成之言曰其曰婦奈何雖未交禮而已見於舅姑也通典有云時屬難虞急於嫁娶因拜舅姑遂成婦道此東漢以來之拜時世俗所謂養媳夫是以婦名之云

楊氏珠里薛繼先聘妻夫死奔喪後依姑吳薛氏居夜寒漏盡風雪盈戶鄰壁猶聞氏紡績聲完貞二十餘年卒

周氏許字張駒子某未嫁某卒氏聞徑奔喪次翦髮投火中

誓以死守

按氏於同治六年彙採追旌

張氏女居餐橋邨父仲侯業農年十九許字王王以羸弱未

娶越七年王卒女欲往視斂不許屢泣告母曰兒身已許人兒固彼婦也未幾父母沒撫幼弟百川成立完貞五十七年吳氏吳欽承女字金式祖年十五未嫁而寡縞衣茹素完貞凡三十七年按府志作某氏吳欽承聘妻今據珠里小志校正陸氏廩生陸榮稚女許字王某王卒誓不再字年二十以哭母毀卒

沈氏女匠人浜人父沈惟良女性至孝求聘不許曰我有父母不事而事他人乎及長髮蓬蓬然紡績養父母凡五十餘年

鍾秀姑珠里人年十九許嫁顧氏子顧貧且病不及婚卒秀姑矢志不再字年六十二卒於家周郁濱傳之郁濱以爲古男女議婚晚聘與娶一時事如衛宣夫人者偶也今婚期與

青浦縣志

卷二十三

列女

貞孝

十二

議婚懸死亡多故勢不能免遵國律悔婚笞五十之條是夫婦之分一納采而已定不得謂禮重親迎未嫁守貞爲太過先是泖濱鄒硯女未婚夫殤請於姑扶栗主成禮郁濱爲論之如此越數年而有鍾秀姑秀姑將卒遺命弟勿以棺歸顧遂葬之母側

楊氏王蔚文聘妻也蔚文死氏再自經皆以救免卒歸王撫嗣子守節教諭王希伊表之

姚氏國子監學正胡勳堯妻舅病篤刲臂和藥以進病尋愈王氏嘉定南翔人監生吳懷祖聘以爲繼室涓吉前三日吳暴亡媒氏來告氏願歸於吳守志於是遂迎之至則抱木主成禮氏哭吳母亦哭觀者於是皆哭時棺未蓋氏撫棺慟絕救之徐徐而蘇時又有沈氏方氏沈懋敏聘妻方光被

幼女也懋敏温雅明音律年十八喪父毀卒赴聞方氏時時
暗泣年餘父母陰爲之相壻遂自經既絕復蘇泣曰兒誓不
適二姓矣於是爲沈位朝夕拜奠布衣蔬食以終三貞節皆
諸聯記其事沈氏別詳義烈

郁氏玉田邨董芳玉聘妻夫亡守義凡七十年氏所居曰荷

花池多白荷

按氏同治六年彙旌

費氏崔德峻聘妻夫亡父母欲爲議婚氏截髮毀容拒之遂
歸崔撫嗣子成立周氏金位侯聘妻位侯既卒求聘者踵至
氏聞遽起投繯父母乃使金迎之卒以自完其貞

某氏蘇羅林人寡居無子姑前卒翁年八十老且病氏傭力
爲養有肉必歸遺之已恒不食肉冬月苦寒翁手足皸瘃氏
事之益謹委曲無不至蘇羅小邨不知邨有孝婦一日鄰不

青浦縣志

卷二十三

列女

貞孝

十三

戒於火延燒及氏居草屋天忽反風火止左右鄰皆盡惟氏
屋獨完屋上燒痕隱隱成孝感動天字數日乃滅事在嘉慶
初年久而佚其姓氏

胡師韞字韞貞贛州府知府鼎蓉女幼字侍郎蔣元益之子
師韞年十三蔣氏子殤赴至時時避人啜泣家人以其幼不
爲意久之知其志堅遂不別嫁年六十三卒於家師韞喜誦
陶詩督課姪履吉甚勤或謂師韞兼通醫方云
陳氏高某聘妻高卒氏欲往弔父不許墮樓折足父成其志
茹素不嫁卒年七十八嗣子迎其柩合葬

程氏小名義姑程懋齋次女也以父母老誓徹環瑱不嫁家
有蕉陰書屋北隅古松五六株風聲清越女奉母讀書其中
晏如也一侍婢亦能詩有咏牡丹十首後母年九十三而終

女尋卒

楊氏監生李文謨繼妻婚有日矣文謨暴卒氏號哭奔喪截髮投棺中示必死既殯姑以字孤大義譬曉之乃止不死以蔬食終氏年二十八奔夫喪完貞凡三十三年前室子塘成立氏之力也

按楊氏以下四人同治六年彙旌

伍氏楊華榮聘妻華榮沒時氏年纔十三父以其少也將嫁之氏矢志不二乃歸楊終喪撫族子以承夫祀卒年六十有六女童完貞前有陳玉瑚妻蔣氏及胡師韞至是又得氏遠近莫不驚歎蔣氏義烈有傳

黃文瑛庠生鄒黃圃女九歲許字吳越五載夫亡赴聞女號稟父母往送屬纊撫棺長慟痛定奉姑命暫歸乃泫然謂所生曰女志守貞永矢靡慝歷四寒暑即扶栗成禮

時蔡寅鍾徵詩詠之

青浦縣志

卷二十三

列女

貞孝

十四

陸氏貢生陸大鈞女許字沈學陶未嫁夫亡氏聞一慟幾絕拔髻上玉釵斷之誓不再適人母患乳瘍臥牀數年侍奉不怠氏少習經傳家貧乃設帳為女師以終年四十有六

汪氏白鶴江汪厚成長女許字方智對智對之亡氏欲奔喪不得乃為書遺其姑言已終願為婦之義情辭嗚咽舅姑憐之迎至家扶栗主成禮時年二十完貞凡三十三年嗣子縣學生信達好學早卒以上貞孝婦女綜其行事本末畧具尚有若干人先後採訪年遠莫考或僅得其姓氏大畧謹援婁志之例次列傳後如彼其人大節炳然豈以區區文字為重

輕哉

姚氏

王熺聘妻夫亡

岑氏

章練塘郁寶三聘妻年十八

陸

氏

學人陸榮程女王傳弓聘妻年十八

程氏

黃渡張大燦聘妻年十九守貞

夫亡完貞四十五年乾隆十六年旌

